

2010-imi ilinniartitaanerit piginnaangortitsisartut


2010-mi ilinniagaqarnissamik qinnuteqartut amerleriapiloortut.

Ilinniakkamik aallartitsinerit amerleriapiloortut

2010-mi nunatsinni ilinniagaqarniarlutik aallartittut amerleriarujussuurtut. 2010-mi inuit 1.463-it inuussutissarsiu-teqalernissamut piginnaangortitsisartunik ilinniagaqarnermik aallartitsipput. Tamanna ukiumut siulianut sanilliullugu 19 procentimik annertuseriarneruvoq ukiunilu tallimani pingajorarterummik annertuseriarnerulluni.

Titartagaq 1.

2006-miit 2010-mut inuussutissarsiu-teqalernissamut piginnaangortitsisunik ilinniagaqarnermik aallartitsinerit



Kisitsisit piviusut malillugit sulianut tunngaviusumik ilinniarneq qaffasinnerpaaffiuvoq, kisiannili allanut naleqqiullugu ingerlaqqiffiusunik ilinniartitaanerit qaffasinnerpaatut inissisimalluni, taakkunanimi 2010-mi ilinniartitaaneq 50 procentimik qaffariarnermik nalaataqarfiummat ukiunut tallimanut siulianut naleqqiullugu.

Ilinniakkamik pimoorusisut aamma amerleriartut

Ukiut kingulliit inuussutissarsiu-teqalernissamut piginnaangortitsisartunik ilinniagaqarluni ilinniartut akuerineqartut amerlinerat kisitsisit atorlugit nassuiaasiornermi paasineqarpoq. 2010-p naalernerani suliamut tunngaviusumik ilinniagaqartut, naatsunillu ingerlaqqiffiusunik ilinniagaqartut aammalu ingerlaqqiffiusumik ilinniagaqartut pimoorusillutik ingerlatsisut 2.478-it nalunaarsorneqarsimapput. Ukiuumut siulianut naleqqiullugu 8,7 procentimik amerleriarfiuvoq.

Amerlasuut naggataarutaasumik soraarummeerlutik naammassisut

2009-mi tunngaviusumik ilinniarnernik, naatsumik sivisunerusumilluunniit ingeraqqiffiusumik ilinniarnermik naammassinnittut 521-iupput. Kisitsisit taakku 2010-mi kisitsisaagallartuni takuneqarsinnaapput. Kisitsisinut taakkunununga piareersar-fiusumik ilinniagaqarnermik naggataarutaasumik soraarummeerlutik – GU-mi allanilu – naammassisut 236-it ilaangukaanni, ataatsimut naatsorsuutit naggataarutaasumik soraarummeerlutik naammassisut 757-it amerlassuserilissavaat.

Unititsisuttaaq amerlipput

Ilinniakkanik unititsinnartarnermik paasissutissat nutaanik ilaartukkat takutippaat, ilinniakkanik ingerlatsinerup annertusiartornera malillugu unititsinerit annertusiartortut. Kisitsisitigut paasissutissat takutippaat, 2010-ip ingerlanerani 626-it inuussutissarsiu-teqalernissamut piginnaangortitsisartunik ilinniarnermik unititsisut. Unititsineq tamanna ukiumut siulianut naleqqiullugu 9 pct.-it missaannik annertuseriarneruvoq.

Maanna Kalaallit Nunaanni ilinniartitaanerit nunat assigiinngitsut akornanni pissutsinut assersuunneqarsinnaanngorput.

International Standard Classification of Education

FN-mi ilinniarnermut, ilisimatusarnermut kultureqarnermullu immikkut aqqissuussaaf-feqarfiani UNESCO-mi ilinniagaqarneq pillugu, nunat assigiinngitsut akornanni ilinniagaqarnerit assersuunnissaannut qaffasissusissamik immikkut ataqatigiissitamik aqqissuussaqqarpoq. Tamanna ataqatigiimmik aqqissuussineq taguuteqqarpoq ISCED (International Standard Classification of Education).

Kalaallit Nunaanni aallarniineq

Naatsorsueqqissaartarfiup UNESCO-p ISCED-lu ilinniakkanut assigiinngitsunut tamanut immikkooortulersuutaasa kode, nunatsinni tamani ilinniartitaanermit atorneqqartut atuutilersippai.


Nutaq – Innuttaasut ilinniarnerat

Tamanna imaappoq, kalaallit ilinniarnerat – Kalaallit Nunaanni, Qallunaat Nunaanni imaluunniit allami anguneqarsimaguni – nunat assigiinngitsut akornanni angusanut assersuunneqartalissaq ilinniarnerep qaffasissusii sammiviilu pillugit.

Malittuani titartakkami 2.-mi 2010-mi Kalaallit Nunaanni innuttaasut ilinniarnerisa isikkuat takuneqarsinnaavoq.

Titartagaq 2.

Kalaallit Nunaanni innuttaasut 16-nit sinnerlugit ukiullit ISCED-p qaffasissuligaanut agguarlugit



Kalaallit Nunaata nunanut assigiinngitsunut assersuunna

Tamanna aamma isumaqqarpoq, Kalaallit Nunaanni ilinniarnerit qaffasissusaasa nunani allani pisunut assersuussinnaanngornerat. 2010-mi saqqummersitami Naatsorsueqqissaartarfik Kalaallit Nunaanni ilinniarnerep qaffasissusia nunanut qanittorisatinnut UNESCO-p ISCED-lu aqqissuussinerat tunngavigalugu assersuussinermik tabeliliornikuuvooq.

Tamanna misissoqqiguk saqqummersitami ”2010-mi ilinniartitaanerit piginnaanngortitsisartut”, Naatsorsueqqissaartarfiup www.stat.gl –kut tamanut saqqummiussaani.

Naatsorsueqqissaartarfimmit ilinniagaqarnermut tunngatillugu saqqumiussat Naatsorsueqqissaartarfiup www.stat.gl -mi nittartagaani misissorneqarsinnaapput.

...pdf-fiilitut

Kalaallit Nunaanni Naatsorsueqqissaartarfiup saqqummersitaa pdf-fiilitut www.stat.gl aqqutigalugu aaneqarsinnaavoq.

E-mailikkut pisartagaqalerit

Siunissami Naatsorsueqqissaartarfiup nittartagaa kisitsisitigut paasisutissanik nutaanik saqqummertoqarneratigut nalunaarfigineqartalerusukkuut imaaliussaait: Nittartagaq www.stat.gl iserfiuk. Qinigassani saamerlermi ”nutaarsiassat” toqqaruk, tassanilu ilanngugit. Taava kisitsisitigut paasisutissanik nutaanik saqqummertoqaraangat e-mailikkut nalunaarfigineqartalissaait.

Paasisaqarnerunissamik kissaateqqaruit saaffigiuk immikkut siunnersorti Søren C. Bjulf e-mail: scb@stat.gl imaluunniit oqarasuaat toqqaannartoq 36 23 63 atorlugu aammalu 36 23 60-kut.